

## Resolución do 6 de agosto de 2021 pola que se convocan 4 cursos de prevención de riscos laborais no sector forestal, sobre o manexo seguro da motoserra e rozadoira, e se establecen as bases da convocatoria

No Plan estratéxico para a prevención de riscos laborais en Galicia 2017-2020 (prorrogado no 2021) destaca a necesidade de continuar coa revisión e mellora dos instrumentos de xestión da prevención na maioría das empresas, con especial énfase nos sectores máis atomizados e nos que existe tradicionalmente unha menor cultura da prevención, como os de agro, gandaría e pesca, nos que xa se está a desenvolver un intenso labor de formación e sensibilización, que debe continuar. Como consecuencia, o Plan de actividades do Instituto de Seguridade e Saúde Laboral de Galicia (ISSGA) para o ano 2021 recolle no seu eixe 5 “Promoción da prevención e redución da sinistralidade” un programa específico para o **sector forestal, actividade da silvicultura e industria madeireira**, que inclúe o desenvolvemento de accións formativas en materia preventiva.

En consecuencia, resolvo:

1. Convocar **4 cursos de prevención de riscos laborais no sector forestal, sobre o manexo seguro da motoserra e rozadoira**.

Os cursos desenvolveranse conforme as bases que figuran no **anexo I** desta resolución.

2. A selección do alumnado realizarase previa convocatoria pública coa difusión polos seguintes medios:
  - Páxina web do Issga.E, no seu caso, a través de:
  - Concellos nos que se van desenvolver os cursos.
  - Empresas do sector, etc.

Documento asinado electronicamente.

A xerente do Instituto de Seguridade e Saúde Laboral de Galicia

Adela Quinzá-Torroja García



## ANEXO I

### BASES DA CONVOCATORIA DE 4 CURSOS DE PREVENCIÓN DE RISCOS LABORAIS NO SECTOR FORESTAL, SOBRE O MANEXO SEGURO DA MOTOSERRA E ROZADOIRA

1. Identificación dos cursos convocados, duración, número de prazas convocadas, lugares e contido:

<b>Nº de edicións:</b> 4	<b>Nº de horas /edición:</b> 15	<b>Nº de prazas por edición:</b> 8
<b>Prazo de inscrición:</b> dende a publicación da convocatoria ata cinco días antes do inicio do curso (o prazo é ampliable ata alcanzar o número máximo de alumnos/as)		
<b>Datas e lugares do curso:</b>		
<b>Provincia</b>	<b>Concello</b>	<b>Datas</b>
A Coruña	Carballo	23, 24 e 25/08/2021
	Ferrol	30, 31/08 e 01/09/2021
Lugo	Ribadeo	06, 07 e 08/09/2021
	Guitiriz	13, 14 e 15/09/2021
<b>Contido:</b>		
1. A seguridade e a saúde no traballo (0,5 horas)		
2. A prevención de riscos laborais no manexo de maquinaria forestal (2 horas)		
3. Os equipos de protección individual (EPI) (1 hora)		
4. Planificación dos traballos de aproveitamento (1 hora)		
5. Conceptos básicos sobre seguridade e saúde no traballo. A Lei 31/1995, de 8 de novembro, de prevención de riscos laborais, e normativa relacionada. Organismos públicos con competencias na materia. O ISSGA (1 hora)		
6. Primeiros auxilios e primeira intervención en caso de accidente (0,5 horas)		
7. Práctica. Prevención de riscos laborais no manexo da motoserra (5 horas)		
8. Práctica. Prevención de riscos laborais no manexo da rozadoira (5 horas)		
Teléfono de información: 981551704 e 659515371		

2. Obxectivo dos cursos:

Proporcionar unha formación específica ás persoas traballadoras e profesionais do sector en materia de prevención dos riscos laborais inherentes a estas actividades, coa finalidade de fomentar a adquisición de habilidades nesa materia así como a adquisición dunha cultura preventiva, e diminuír os accidentes laborais no sector.

3. Desenvolvemento dos cursos:

- O ISSGA publicará na súa páxina web (<http://issga.xunta.gal/>), con antelación suficiente, as datas, horario e lugares definitivos onde se impartirán os cursos.





- Os cursos teñen carácter presencial. É obrigatoria a asistencia e puntualidade a todas as sesións presenciais. A falta de asistencia, aínda que sexa xustificada, de máis dunha xornada suporá a perda do dereito ao certificado de asistencia.
- Horario: o horario dos cursos desenvolverase preferentemente a partir das 16:00 horas, sen prexuízo de que se poida variar para facilitar o desenvolvemento das prácticas ou a asistencia. Os datos relativos ao enderezo do local onde se vai impartir o curso, confirmación das datas de impartición e horario serán comunicados ás persoas seleccionadas, e poderanse consultar antes da data de comezo de cada curso na páxina web <http://issga.xunta.gal>. Así mesmo, na páxina web indicada poderase consultar calquera outra información relacionada co desenvolvemento destes cursos.

4. Persoas destinatarias e distribución das prazas:

Persoas traballadoras maiores de idade con interese na actividade a que se dirixe o curso.

5. Criterios de selección:

No caso de haber máis solicitudes que prazas, os criterios de selección son:

- Grupo con prioridade 1: persoas con vinculación laboral ou formación (previa ou actual) na materia. Unha vez seleccionado este grupo, a selección entre estas persoas realizarase por orde de inscrición.
- Grupo con prioridade 2: resto de persoal. Unha vez seleccionado este grupo, a selección entre estas persoas realizarase por orde de inscrición.

Xunto a solicitude de inscrición, a persoa interesada entregará a documentación que acredite a prioridade 1.

6. Solicitudes:

**As solicitudes efectuaranse utilizando o formulario que se recolle no anexo II** que se atopa dispoñible en formato editable na web do Issga (<http://issga.xunta.gal>). O prazo para presentar as solicitudes remata cinco días antes ao inicio de cada curso, que poderá ampliarse ata alcanzar o número máximo de 8 alumnos/as por taller.

As solicitudes poderanse presentar **por calquera dos seguintes medios**:

- Por correo electrónico, ao enderezo [issga.formacion@xunta.gal](mailto:issga.formacion@xunta.gal)
- Por entrega á empresa xestora, información no teléfono 981551704 e 659515371

Xunto coa solicitude deberá achegarse a seguinte documentación:

- Copia do DNI/ NIF / NIE/ Pasaporte
- De ser o caso, documentación xustificativa de pertenza ao colectivo prioritario (epígrafe 5, criterios de selección)



No caso de cursos que teñan un número de alumnos/as inscritos inferior a 8, o ISSGA poderá optar entre pospoñelos a unha data posterior (sempre que sexa posible en función da data de remate do contrato) ou anulalo, o que se comunicará con antelación suficiente ás persoas solicitantes. En caso de que se anulen, proporase a súa realización noutro concello.

7. Acreditación da formación:

Ao remate de cada curso o Issga expedirá certificado de asistencia aos/ás alumnos/as.

8. Control e seguimento das accións formativas:

O control e seguimento das accións formativas realizarase polo persoal técnico do Issga.

9. Custo dos cursos e financiamento:

A asistencia a estes cursos será gratuíta para as persoas seleccionadas.



ANEXO II:

<b>PRL NO ÁMBITO FORESTAL. MANEXO SEGURO DA MOTOSERRA E ROZADOIRA</b>	Concello	Provincia	Datos
---	----------	-----------	-------

DATOS PERSOAIS			
Primeiro apelido	Segundo apelido	Nome	DNI/NIE
Enderezo	Localidade	Concello	Provincia
Código postal	Teléfono	Enderezo electrónico	Data nacemento
DATOS PROFESIONAIS E OUTROS			
Grupo de prioridade 1 para a selección do alumnado (formación e/ou emprego)			
Vinculación laboral coa actividade			
Formación relacionada coa actividade			
Grupo de prioridade 2 para a selección do alumnado (resto do persoal)			
DECLARACIÓN			
<ul style="list-style-type: none"> <li>■ Declaro a veracidade de todos os datos consignados nesta solicitude</li> <li>■ Xunto copia do DNI/NIE</li> <li>■ De ser o caso, xunto documentación que acredita que pertenzo ao grupo de prioridade 1 para a selección do alumnado</li> </ul> <p>.....</p> <p>.....</p>			
Data <input type="text"/> / <input type="text"/> / <input type="text"/>			

INFORMACIÓN BÁSICA SOBRE PROTECCIÓN DE DATOS PERSOAIS	
Responsable do tratamento	Xunta de Galicia – Instituto de Seguridade e Saúde Laboral de Galicia
Finalidades do tratamento	Tramitar a súa solicitude para xestionar o acceso e a elaboración e entrega do certificado que acredita a formación recibida. Doutra banda, coa información facilitada por vostede, creamos un arquivo que serve para mandarlle información doutros cursos, xornadas ou eventos similares ou relacionados nos que vostede podería estar interesado.
Lexitimación para o tratamento	Consentimento da persoa interesada
Destinatarios dos datos	Non se prevén comunicacións a terceiros
Exercicio de dereitos	As persoas interesadas poderán acceder, rectificar e suprimir os seus datos, así como exercitar outros dereitos ou retirar o consentimento segundo se recolle en: <a href="https://www.xunta.gal/exercicio-de-dereitos">https://www.xunta.gal/exercicio-de-dereitos</a>
Contacto delegado/a de protección de datos e información adicional	<a href="https://www.xunta.gal/proteccion-datos-persoais">https://www.xunta.gal/proteccion-datos-persoais</a>

Xerencia do Instituto de Seguridade e Saúde Laboral de Galicia

